





石經穀梁傳

卷七卷八  
宣公成公



內閣文庫		
番號	漢	8384
冊數	6	(4)
函號	275	18





淺草文庫



Faint red seal impression on the right page, containing four characters in seal script.

春秋穀梁傳宣公第七

內閣

范守耕集解

宣公七年

元年春王正月公即位繼

故而言即位與聞乎故也

公子遂如齊逆女三月遂

以夫人婦姜至自齊其不

言氏喪未畢故略之也其

曰婦緣姑言之之辭也遂

之挈手由上致之也夏季孫

行父如齊晉放其大夫胥

甲父于衛放猶屏也稱國

以放放無罪也公會齊侯

于平州公子遂如齊六月

齊人取濟西田內不言取

言取授之也以是為賂齊

也秋邾子來朝楚子鄭人

侵陳遂侵宋遂繼事也晉  
趙盾帥師救陳善救陳也  
宋公陳侯衛侯曹伯會晉  
師于棐林伐鄭列數諸侯  
而會晉趙盾大趙盾之事  
也其曰師何也以其大之  
也于棐林地而後伐鄭疑  
辭也此其地何則著其美  
也久晉趙穿帥師侵崇魯  
人宋人伐鄭伐鄭所以救  
宋也

二年春王二月壬子宋華  
元帥師及鄭公子歸生帥  
師戰于大棘宋師敗績獲  
宋華元獲者不與之辭也  
言盡其衆以救其將也以

三軍敵華元。華元雖獲，不病矣。秦師伐晉，晉人宋人衛人陳人侵鄭。秋九月，乙丑，晉趙盾弑其君夷臯。穿弑也。盾不弑，而曰盾弑，何也？以罪盾也。其以罪盾，何也？曰：靈公朝諸大夫而暴彈之，觀其辟丸也。趙盾入諫，不聽，出亡。至於郟，趙穿弑公。而後反。趙盾史狐書賊曰：趙盾弑公。盾曰：天乎！天乎！予無罪，孰為首而忍弑其君者乎？史狐曰：子為正，卿入諫，不聽，出亡，不遠君，弑反，不討賊，則志同。志同則書重，非子而誰故。

書之曰晉趙盾弑其君夷  
臯者過在下也曰於盾也  
見忠臣之至於許世子止  
見孝子之至久十月乙亥  
天王崩

三年春王正月郊牛之口  
傷之口緩辭也傷自牛作  
也改卜牛牛死乃不郊事

之變也乃者出乎人之辭  
也一也三望菟區王楚子伐  
陸渾戎夏楚人侵鄭秋赤  
狄侵齊宋師圍曹冬十月  
丙戌鄭伯蒍卒葬鄭穆公  
四年春王正月公及齊侯  
平莒及郟莒人不肯及者  
內爲志焉爾平者成也不

肯者可以肯也公伐莒取  
向猶可取向甚矣莒人  
辭不受台也伐莒義兵也  
取向非也乘義而為利也  
秦伯稻卒夏六月乙酉鄭  
公子歸生弑其君夷赤狄  
侵齊秋公如齊公至自齊  
冬楚子伐鄭

五年春公如齊夏公至自  
齊秋九月齊高固來逆子  
叔姬諸侯之嫁子於大夫  
主大夫以與之來者接內  
也不正其接內故不與夫  
婦之稱也叔孫得臣卒冬  
齊高固及子叔姬來及者  
及吾子叔姬也為使來者

不使得歸之意也楚人伐

鄭

六年春晉趙盾衛孫免侵

陳此帥師也其不言帥師

何也不正其敗前事故不

與帥師也夏四月秋八月

冬十月

七年春衛侯使孫良夫來

盟來盟者前定也不言及

以國與之不言其人亦

以國與之不日前定之盟

不日夏公會齊侯伐萊秋

至自伐不日大旱冬公會

侯宋公衛侯鄭伯曹伯

于黑壤

八年春公至自會夏六月



公子遂如齊至黃乃復乃  
者亡乎人之辭也復者事  
畢也不專公命也辛巳有  
事于大廟仲遂卒于垂為  
若反命而後卒也此公子  
也其曰仲何也疏之也何  
為疏之也是不卒者也不  
疏則無用見其不卒也則  
其卒之何也以饑乎宣也  
其譏乎宣何也聞大夫  
之喪則去樂卒事壬午猶  
繹猶者可以已之辭也繹  
者祭之旦日之享賓也萬  
入去籥以其為之變譏之  
也戊子夫人熊氏薨晉師  
白狄伐秦楚人滅舒鄩秋

七月甲子日有食之既冬  
十月己丑葬我小君頃能  
雨不克葬葬既日不爲  
雨止禮也雨不克葬喪不  
以制也庚寅日中而克葬  
而緩辭也足乎日之辭也  
城平陽楚師伐陳  
九年春王正月公如齊

至自齊夏仲孫蔑如京師  
齊侯伐萊秋取根牟八月  
滕子卒九月晉侯宋公衛  
侯鄭伯曹伯會于扈晉荀  
林父帥師伐陳辛酉晉侯  
黑臀卒于扈其地於外也  
其日未踰竟也冬十月癸  
酉衛侯鄭卒宋人圍滕楚

子伐鄭晉荀叔帥師救鄭  
陳殺其大夫洩冶稱國以  
殺其大夫殺無罪也洩冶  
之無罪如何陳靈公通于  
夏徵舒之家公孫寧儀行  
父亦通于其家或衣其衣  
或衷其襦以相戲於朝洩  
冶聞之入諫曰使國人聞  
之則猶可使仁人聞之則  
不可君愧於洩冶不能用  
其言而殺之  
十年春公如齊公至自齊  
齊人歸我濟西田公娶齊  
齊由以爲兄弟反之不言  
來公如齊受之也夏四月  
丙辰日有食之己巳齊侯

元年齊崔氏出奔衛氏者  
舉族而出之之辭也公如  
齊五月公至自齊癸巳陳  
夏徵舒弒其君平國六月  
宋師伐滕公孫歸父如齊  
葬齊惠公晉人衛人  
曹人伐鄭秋天王使王季  
子來聘其曰王季王子也  
其曰子尊之也聘問也公  
孫歸父帥師伐邾取繹大  
水季孫行父如齊冬公孫  
歸父如齊齊侯使國佐來  
聘饑楚子伐鄭  
十有一年春王正月夏楚  
子陳侯鄭伯盟于夷陵公  
孫歸父會齊人伐莒秋晉

侯會狄于積函不言及外  
狄也冬十月楚人殺陳夏  
徵舒此入而殺也其不言  
入何也外徵舒於陳也其  
外徵舒於陳何也明楚之  
討有罪也丁亥楚子入陳  
入者內弗受也日入惡入  
者也何用弗受也不使夷  
狄爲中國也納公孫赤儀  
行父于陳納者內弗受也  
輔人之不能臣而討猶可  
入人之國制人之上下使  
不得其君臣之道不可  
十有二年春葬陳靈公楚  
子圍鄭夏六月乙卯晉荀  
林父帥師及楚子戰于邲

晉師敗績績功也功事也  
曰其事敗也秋七月冬十  
有二月戊寅楚子滅蕭晉  
人宋人衛人曹人同盟于  
清丘宋師伐陳衛人救陳  
十有三年春齊師伐莒夏  
楚子伐宋秋久蝨冬晉殺其  
大夫先穀

十有四年春衛殺其大夫  
孔達夏五月壬申曹伯壽  
卒晉侯伐鄭秋九月楚子  
圍宋苑十曹文公冬公孫歸  
父會齊侯于穀  
十有五年春公孫歸父召  
楚子于宋夏五月宋人及  
楚人平平者成也善其量

力而反義也人者衆辭也  
平稱衆上下欲之也外平  
不道以吾人之存焉道之  
也六月癸卯晉師滅赤狄  
潞氏以潞子嬰兒歸滅國  
有三術中國謹日卑國月  
夷狄不日其日潞子嬰兒  
賢也秦人伐晉王札子殺  
召伯毛伯王札子者當上  
之辭也殺召伯毛伯不言  
其何也兩下相殺也兩下  
相殺不志乎春秋此其志  
何也矯王命以殺之非忿  
怒相殺也故曰以王命殺  
也以王命殺則何志焉爲  
天下王者天也繼天者君

也君之所存者命也爲人  
臣而侵其君之命而用之  
是不臣也爲人君而失其  
命是不君也君不君臣不  
臣此天下所以傾也秋冬  
仲孫蔑會齊高固于無婁  
初稅畝初者始也古者什  
一藉而不稅初稅畝非正  
也古者三百步爲里名曰  
井田井田者九百畝公田  
居一私田稼不善則非吏  
公田稼不善則非已初稅  
畝者非公之去公田而履  
畝十取一也以公之與已  
爲已悉矣古者公田爲居  
井竈葱韭盡取焉冬蠶生



螽非災也其曰螽非稅畝之  
災也饑

十有六年春王正月晉人  
滅赤狄甲氏及留吁夏成  
周宣榭災周災不志也其  
曰宣榭何也以樂器之所  
藏目之也秋郟伯姬來歸  
久大有年五穀大熟為大

有年

十有七年春王正月庚子  
許男錫我卒丁未蔡侯申  
卒夏葬許昭公葬蔡文公  
六月癸卯日有食之己不  
公會晉侯衛侯曹伯邾子  
同盟于斷道同者有同也  
同外楚也秋公至自會冬

十有一月壬午公弟叔肝卒其曰公弟叔肝賢之也其賢之何也宣弒而非之也非之則胡為不去也曰兄弟也何去而之與之財則曰我足矣織屨而食終身不食宣公之食君子以是為通恩也以取貴乎春

秋

十有八年春晉侯衛世子臧伐齊公伐杞夏四月秋七月邾人戕繒子于繒戕猶殘也稅殺也甲戌楚子呂卒夷狄不卒卒少進也卒而不日日少進也日而不言正不正簡之也公孫

歸父如晉冬十月壬戌公  
薨于路寢路寢正寢也歸  
父還自晉還者事未畢也  
自晉事畢也與人之子守  
其父之殯捐殯而奔其父  
之使者是亦奔父也至聖  
遂奔齊遂繼事也

春秋穀梁卷第七


春秋穀梁傳成公第八

范甯集解

元年春王正月公即位二月辛酉葬我君宣公無冰終時無冰則志此未終時而言無冰何也終無冰矣加之寒之辭也三月作丘甲作爲也丘爲甲也丘甲國之事也丘作甲非正也丘作甲之爲非正何也古者立國家百官具農辰工皆有職以事上古者有四臣有士臣有商臣有農臣有工臣夫甲非人人之所能爲也丘作甲非正也夏臧孫許及晉侯盟于赤棘秋王師

敗績于貿戎不言戰莫之  
敢敵也為尊者諱敵不諱  
敗為親者諱敗不諱敵尊  
尊親親之義也然則孰敗  
之晉也冬十月季孫行父  
禿晉卻克眇衛孫良夫跛  
曹公子手僂同時而聘於  
齊齊使禿者御禿者使眇  
者御眇者使跛者御跛者  
使僂者御僂者蕭同姪子  
處臺上而笑之聞於客客  
不說而去相與立胥聞而  
語移日不解齊人有知之  
者曰齊之患必自此始矣  
二年春齊侯伐我北鄙夏  
四月丙戌衛孫良夫帥師

及齊師戰于新築衛師敗  
績六月矣酉季孫行父感  
孫許叔孫僑如公孫嬰齊  
帥師會晉卻克衛孫良夫  
曹公子手及齊僕戰于寧  
齊師敗績其日或曰日其  
戰也或曰日其米悉也曹無  
大夫其日公子何也以吾



之四大夫在焉舉其實者  
也秋七月齊侯使國佐如  
師己酉及國佐盟于爰婁  
鞌去國五百里爰婁去國  
五十里壹戰繇地五百里  
以雍門之茨侵車東至海  
君子聞之曰夫甚甚之辭  
焉齊有以取之也齊之有  
以取之何也敗衛師于新

築侵我北鄙款郤獻子齊  
有以取之也爰婁在師之  
外郤克曰反魯衛之侵地  
以紀侯之虜來以蕭同姪  
子之母爲質使耕者皆東  
其畝然後與子盟國佐曰  
反魯衛之侵地以紀侯之  
虜來則諾以蕭同姪子之  
母爲質則是齊侯之母也  
齊侯之母猶晉君之母也  
晉君之母猶齊侯之母也  
使耕者盡東其畝則是終  
土齊也不可請壹戰壹戰  
不克請再再不克請三三  
不克請四四不克請五五  
不克舉國而授於是與之

之盟八月壬午宋公鮑卒  
庚寅衛侯速卒取汶陽田  
冬楚師鄭師侵衛十有一  
月公會楚公子嬰齊于蜀  
楚無大夫其曰公子何也  
嬰齊亢也丙申公及楚人  
秦人宋人陳人衛人鄭人  
齊人曹人邾人薛人繒

人盟于蜀楚人其稱人何  
也於是而後公得其所也  
會與盟同月則地會不地  
盟不同月則地會地盟此  
其地會地盟何也以公得  
其所申其事也今之屈向

之驕也

二年春王正月公會晉侯  
宋公衛侯曹伯伐鄭辛亥



葬衛桓公二月公至自伐  
鄭田子新宮災三日哭新  
宮者禘宮也三日哭哀也  
其哀禮也迫近不敢稱謚  
恭也其辭恭且哀以成公  
為無譏矣乙亥葬宋文公  
夏公如晉鄭公子去疾帥  
師伐許公至自晉秋叔孫  
歸如帥師圍棘大雩晉郤  
克衛孫良夫伐牆咎如冬  
十有一月晉侯使荀庚來  
聘衛侯使孫良夫來聘  
丙午及荀庚盟丁未及孫良  
夫盟其曰公也來聘而求  
盟不言及者以國與之也  
不言其人亦以國與之也

不言求兩欲之也鄭伐許  
四年春宋公使華元來聘  
三月壬申鄭伯堅卒杞伯  
來朝夏四月甲寅臧孫許  
卒公如晉韓鄭襄公秋公  
至自晉冬城鄆鄭伯伐許  
五年春王正月杞叔姬來  
歸婦人之義嫁曰歸反曰  
來歸仲孫蔑如宋夏叔孫  
僑如會晉荀首于穀梁山  
崩不日何也高者有崩道  
也有崩道則何以書也曰  
梁山崩壅遏河三日不流  
晉君乃伯尊而問焉伯尊  
來遇輦者輦者不辟使車  
右下而鞭之輦者曰所以  
鞭我者其取道遠矣伯尊  
下車而問焉曰子有聞乎

對曰梁山崩壅遏河三日  
不流伯尊曰君爲此召我  
也爲之奈何禘者曰天有  
山天崩之天有河天壅之  
雖召伯尊如之何伯尊由  
忠問焉禘者曰君親素縞  
率羣臣而哭之旣而祠焉  
斯流矣伯尊至君問之曰  
梁山崩壅遏河三日不流  
爲之奈何伯尊曰君親素  
縞帥羣臣而哭之旣而祠  
焉斯流矣孔子聞之曰伯  
尊其無績乎攘善也秋大  
水冬十有一月己酉天王  
崩十有二月己丑公會晉  
侯齊侯宋公衛侯鄭伯曹  
伯邾子杞伯同盟于蟲牢

六年春王正月公至自會  
二月辛巳立武宮立者不  
宜立也取鄆鄆國也衛孫  
良夫帥師侵宋夏六月邾  
子來朝公孫嬰齊如晉王  
申鄭借費卒秋仲蔑叔  
孫倫如帥師侵宋楚公子  
嬰齊帥師伐鄭冬季孫行  
父如晉齊欒書帥師救鄭  
七年春王正月鼯鼠食  
牛角不言曰急辭也過有  
司也郊牛曰展削角而如  
傷展道盡矣其所以備災  
之道不盡也改牛鼯鼠  
又食其角又有繼之辭也  
其緩辭也曰亡乎人矣非

人之所能也所以免有司  
之過也乃免牛乃者亡乎  
人之辭也免牲者爲之緇  
衣纁裳有司玄端奉送至  
于南郊免牛亦然免牲不  
日不郊免牛亦然吳伐郟  
夏五月曹伯來朝不郊猶  
三望秋楚公子嬰齊帥師

伐鄭公會晉侯齊侯宋公  
衛侯曹伯莒子邾子杞伯  
救鄭八月戊辰同盟于馬  
陵公至自會大剛來冬  
大雩雩不月而時非之也  
冬無爲雩也衛孫林父出  
奔晉

八年春晉侯使韓穿來言

汶陽之田歸之于齊于齊  
緩辭也不使盡我也晉藥  
書帥師侵蔡公孫嬰齊如  
莒宋公使華元來聘夏宋  
公使公孫壽來納幣晉殺  
其太夫趙同趙括秋七月  
天子使召伯來錫公命禮  
有受命無來錫命俱命

正也曰天子何也曰見一  
稱也冬十月癸卯杞叔姬  
卒晉侯使士燮來聘叔孫  
僑如會晉士燮六日人邾人  
伐邾衛人來賂賤淺事也  
不志此其志何也又伯姬  
之不得其許故盡其事也  
九年春王正月杞伯來迎

叔姬之喪以歸傳曰夫無  
逆出妻之喪而為之也公  
會晉侯齊侯宋公衛侯鄭  
伯曹伯莒子杞伯同盟于  
蒲公至自會二月伯姬歸  
于宋夏季孫行父如宋致  
女致者不致者也婦人在  
家制於父既嫁制於夫如  
宋至女是以我盡之也不  
正故不與內稱也逆者微  
故致女詳其事賢伯姬  
也等人來媵媵淺事也不  
志此其志何也以伯姬之  
不得其所故盡其事也秋  
七月丙子齊侯無野卒晉  
人執鄭伯晉衰書帥師伐

鄭不言戰以鄭伯也為尊  
者諱恥為賢者諱過為親  
者諱疾冬十有一月葬齊  
頃公楚公子嬰齊帥師伐  
莒庚申莒貴其日莒雖夷  
狄猶中國也大夫潰莒而  
之楚是以知其上為事也  
惡之故謹而自之也林走人  
入鄭秦人白狄伐晉鄭人  
圍許城中城城中城者非  
外邑也

十年春衛侯之弟黑背帥  
師侵鄭夏四月五卜郊不  
從乃不郊夏四月不時也  
五卜強也乃者亡乎人之  
辭也五月公會晉侯齊侯



宋公衛侯曹伯伐鄭齊人  
來勝丙午晉侯孺卒秋七  
月公如晉冬十月

十有二年春王三月公至  
自晉晉侯使郤犛來聘己  
丑及郤犛盟夏季孫行父  
如晉秋叔孫僑如如齊冬  
十月

十有二年春周公出奔晉  
周有入無出其曰出上下  
一見之也言其上下之道  
無以存也上雖失之下孰  
敢有之今上下日失之矣  
夏公會晉侯衛侯于瑣澤  
秋晉人敗狄于交剛中國  
與志狄不討戰皆曰敗之

契狄不日冬十月

十有三年春晉侯使郤錡  
來乞師乞重辭也古之人

重師故以乞言之也三月

公如不師公如京師不月

月非如也非如而日如不

叛京師也夏五月公至自

京師遂會晉侯齊侯宋公

衛侯鄭伯曹伯邾人滕人

伐秦言受命不敢叛周也

曹伯廬卒于師傳曰閔之

也公大夫在師日師在會

日會秋士月公至自伐秦

冬葬曹日宣公葬時正也

十有四年春王正月莒子

朱卒夏衛孫林父自晉歸

于衛秋叔孫僑如如齊逆  
女鄭公子喜帥師伐許也  
月僑如以夫人婦姜氏至  
自齊大夫不以夫人以夫  
人非正也刺不親迎也僑  
如之挈由上致之也冬十  
月庚寅衛侯臧卒秦伯卒  
十有五年春王二月葬衛  
定公三月乙巳仲嬰齊卒  
此公孫也其曰仲何也子  
由父疏之也癸丑公會晉  
侯衛侯鄭伯曹伯宋世子  
凡齊國佐邾人同盟于戚  
晉侯執曹伯歸于京師以  
晉侯而斥執曹伯惡晉侯  
也不言之急辭也斷在晉

侯也公至自會夏六月宋  
公固卒楚子伐鄭秋八月

庚辰葬宋共公月卒日葬

非葬者也此其言葬何也以

其葬共姬不可不葬共公

也葬共姬則其不可不葬

共公何也夫人之義我不踰

君也為賢者崇也宋華元

出奔晉宋華元自晉歸于

宋宋殺其大夫山宋魚石

出奔楚冬十有一月叔孫

僑如會晉士燮齊高無咎

木華元衛孫林父鄭公子

鮑邾人會吳于鍾離會又

會外之也詩遷于棗遷者

猶得其國家以律者也其

地許復見也

十有六年春王正月雨木  
冰雨而木冰也志異也傳  
日根枝折夏四月辛未滕  
子卒鄭公子喜帥師侵宋  
六月丙寅朔日有食之晉  
侯使欒黶黑來乞師甲午晦  
晉侯及楚子鄭伯戰于鄆

陵楚子鄭師敗績日事過  
晦日晦四體偏斷日敗  
此其敗則日也楚不言師  
君重於師也楚殺其大夫  
公子側秋公會晉侯齊侯  
衛侯宋華元邾人于沙陔  
不見公不見公者可以見  
公也可以見公而不見公

譏在諸侯也公至自會公  
會尹子晉侯齊國佐邾人  
伐鄭曹伯歸自京師不言  
所歸歸之善者也出入不  
名以爲不失其國也歸爲  
善自某歸次之九月晉人  
執季孫行父舍之于莒丘  
執者不舍而舍公所也執

者致而不致公在也何其  
執而辭也猶存公也存意  
公亦存焉公存也冬十月  
乙亥叔孫僑如出奔齊十  
有二月乙丑季孫行父及  
晉郟擊盟于扈公至自會  
乙酉刺公子偃大夫曰卒  
正也先刺後名殺無罪也

十有七年春衛北宮倍帥師侵鄭夏公會尹子單子晉侯齊侯宋公衛侯曹伯邾人伐鄭六月乙酉同盟于柯陵柯陵之盟謀復伐鄭也秋公至自會不曰至自伐鄭也公不周乎伐鄭也何以知公之不月乎

伐鄭以其以會致也何以知其盟復伐鄭也以其後會之人盡盟者也不周乎伐鄭則何為日也言公之不背柯陵之盟也齊高三年出奔莒九月辛丑用夏之始可以承春以秋之末承春之始蓋不可矣

一月用郊用者不宜用也  
宮室不設不可以祭衣服  
不備不可以祭車馬器械  
不備不可以祭有司一人  
不備其職不可以祭祭者  
薦其時也薦其敬也薦其  
美也非享味也晉侯使荀  
瑩來乞師冬公會單子晉

侯宋公衛侯曹伯齊人邾  
人伐鄭言公不背柯陵之  
盟也十有一月公至自伐  
鄭壬申公孫嬰齊卒于狸  
廔十一月無壬申壬申乃  
十月也致公而後錄臣子  
之義也其地未踰竟也十  
有二月丁巳朔日有食之



邾子貜且卒晉殺其大夫  
卻錡卻犛牛卻至自禍於是  
起矣楚之人滅舒庸

十有八年春王正月晉殺  
其大夫胥童庚申晉弒其  
君州蒲稱國以弒其君君  
惡甚矣齊殺其大夫國佐  
公如晉夏楚子鄭伯伐宋

宋魚石復入于彭城公至  
自晉晉侯使士匄來聘秋  
杞伯來朝八月邾子來朝  
築鹿囿築不志此其志何  
也山林藪澤之利所以與  
民共也虞之非正也已丑



死於路寢路寢正也男  
婦人之手以齊終

